



Na temelju članka 100. stav 3.) Zakona o javnim nabavama BiH (Sl. glasnik BiH broj 39/14) članka 8. Statuta Federalnog zavoda za mirovinsko/penzijsko i invalidsko osiguranje ("Službene novine Federacije BiH", broj: 38/03), rješavajući povodom žalbe žalitelja GUMA VP 200 d.o.o. Mostar izjavljenu na Odluku o dodjeli ugovora najpovoljnijem ponuđaču broj:FZ3/5/2-11-3-2143-14/22 od 26.05.2022. godine, u postupku nabave auto guma za potrebe službenih vozila Federalnog zavoda za mirovinsko/penzijsko i invalidsko osiguranje, Direktor Federalnog zavoda za mirovinsko/penzijsko i invalidsko osiguranje, d o n o s i

ODLUKU

Uvažava se žalba žalitelja GUMA VP 200 d.o.o. Mostar izjavljenu dana 06.06.2022. na Odluku o dodjeli ugovora najpovoljnijem ponuđaču broj:FZ3/5/2-11-3-2143-14/22 od 26.05.2022. godine, u postupku nabave auto guma za potrebe službenih vozila Federalnog zavoda za mirovinsko/penzijsko i invalidsko osiguranje. Ugovor se dodjeljuje drugo rangiranom ponuđaču GUMA VP 200 d.o.o. Mostar.

Ovom Odlukom zamjenjuje se Odluka o dodjeli ugovora broj:FZ3/5/2-11-3-2143-14/22 od 26.05.2022. godine, u postupku nabave auto guma za potrebe službenih vozila Federalnog zavoda za mirovinsko/penzijsko i invalidsko osiguranje.

Obrazloženje

Ugovorno tijelo Federalni zavod za mirovinsko/penzijsko i invalidsko osiguranje pokrenulo je konkurentski postupak javne nabave: Nabava auto guma za potrebe službenih vozila Federalnog zavoda za mirovinsko/penzijsko i invalidsko osiguranje za koji je provedena procedura u skladu s Zakonom o javnim nabavama BiH te donesena Odluka o dodjeli ugovora broj: FZ3/5/2-11-3-2143-14/22 od 26.05.2022. kojom je APOLO d.o.o. Mostar ocjenjen kao najpovoljniji ponuđač, u skladu s traženim kriterijima iz konkurentskog zahtjeva za dostavu ponuda. Ponuđač GUMA VP 200 d.o.o. Mostar zatražio je uvid u ponude učesnika u postupku predmetne nabave, što je Ugovorni organ odobrio te je dana 03.06.2022. u 9:15h izvršen uvid navedenog ponuđača, temeljem kojeg izjavljuje predmetnu žalbu dana 03.06.2022. Žalba je zaprimljena od strane Ugovornog organa dana 06.06.2022. u žalbi žalitelj ističe slijedeće: da ponuđač APOLO d.o.o. Mostar nije dostavio zadovoljavajuće dokaze za ponuđene gume, koje su tražene točkom 6.3.2. Navode da su pregledom QR koda dostavljene EU naljepnice ustanovili da za gume koje je ponudio naljepnica s ovim QR kodom „98,V imaju indeks nosivosti i brzine „94V,,što znači kako je ponuđač APOLO d.o.o. Mostar krivotvorio originalnu naljepnicu u kojoj je indeks nosivosti i brzine promijenio iz „94V,, u „98,,V. te je na taj način obmanjivao Ugovorni organ. Također daljnjim uvidom ostalih naljepnica vidljivo je da je ponuđač isto uradio i za stavku broj 2.; 3.; i 8 iz tenderskog obrasca za cijenu ponuda.

Žalba je dopuštene, blagovremena i izjavljena od ovlaštene osobe. Žalba je u cijelosti osnovana.

Ugovorni organ je sproveo postupak javne nabave auto guma za potrebe službenih vozila Federalnog zavoda za mirovinsko/penzijsko i invalidsko osiguranje. U skladu sa provedenom predmetnom procedurom donesena je Odluka broj:FZ3/5/2-11-3-2143-14/22 od 26.05.2022. godine, na koju dana 06.06.2022. godine ponuđač GUMA VP 200 d.o.o. Mostar ulaže žalbu.

Kako je žalitelj u žalbi naveo da dostavljene naljepnice traženih auto guma nisu ispravne, Ugovorni organ izvršio je provjeru kod ovlaštenih ponuđača auto guma, i utvrđeno je da EU

naljepnice koje su dostavljene sa QR kodom „98 V., imaju indeks nosivosti i brzine 94V, što znači kako je ponuđač APOLO d.o.o. Mostar obmanuo Ugovorni organ. Temeljem navedenog ponuđač APOLO d.o.o. Mostar se diskvalificira. U skladu sa navedenim i kriterijem „ekonomski najpovoljnija ponuda“ sa pod kriterijima cijena-čija je vrijednost 90% i rok isporuke-10%, kao najuspješnija ponuda za javnu nabavu roba - Nabava auto-guma za potrebe službenih automobila Federalnog zavoda za mirovinsko/penzijsko i invalidsko osiguranje ocjenjena je ponuda drugo rangiranog ponuđača „GUMA VP 200“ d.o.o. Mostar , a prema sljedećem redoslijedu uspješnosti:

1. „GUMA VP 200“ d.o.o. Mostar sa ponuđenom cijenom od 13.050,80 KM bez PDV-a i rokom isporuke(1) jedan dan, što ukupno iznosi 92,21 bodova.
2. „Unitrade“ ekport import d.o.o. Ljubuški sa ponuđenom cijenom od 13.999,52 KM bez PDV-a i rokom isporuke od (2) dva dana, što ukupno iznosi 86,64 bodova.
3. Euro Dam-Jas d.o.o Lukavac sa ponuđenom cijenom od 13.067,15 KM bez PDV-a i rokom isporuke(7) sedam dana ,što ukupno iznosi 85,11 bodova

Razmatrajući žalbene navode ugovorno tijelo je postupilo u skladu sa člankom 100. stav 3. Zakona o javnim nabavama BiH (Sl. glasnik BiH broj 39/14) te utvrdilo da se u skladu sa navedenim postojeća odluka o dodjeli ugovora zamjenjuje i donosi Odluka kojom se žalba žalitelja uvažava, dodjeljuje ugovor drugo rangiranom ponuđaču GUMA VP 200“ d.o.o. Mostar primjenjujući jednak tretman prema učesnicima u postupku javne nabave i nediskriminacije prema svim ponuđačima. Sukladno navedenom odlučeno je kao u izreci ove Odluke.

Protiv ove odluke može se uložiti žalba URŽ-u, putem ugovornog tijela, u roku od pet dana od dana zaprimanja odluke, u skladu sa Zakona o javnim nabavama BiH (Sl. glasnik BiH broj 39/14).

Bosna i Hercegovina
Federacija Bosne i Hercegovine
FEDERALNI ZAVOD ZA MIROVINSKO I
INVALIDSKO OSIGURANJE
FEDERALNI ZAVOD ZA PENZIJSKO I
INVALIDSKO OSIGURANJE



Broj:FZ3/572-11-3-2143-20/22
Mostar, 10.06.2022.

Dostaviti:

1. „Unitrade“ ekport import d.o.o.Ljubuški , Hrvatskih kraljeva 23, 88320 Ljubuški
2. „GUMA VP 200“ d.o.o. Mostar, Bišće polje bb, 88 000 Mostar
3. Euro Dam-Jas d.o.o Lukavac, Lukavačkih brigada bb, 75300 Lukavac
4. Apolo d.o.o Mostar, Put za Aluminij bb, 88000 Mostar
- 5.a/a